

Okor e te mo Oltirakl a llach e mo Oldingel er a rechad el dimlak el onger ra census e le omekedong er ngii el kmo

Ngarang a belkul a NRFU?


A Census Bureau a mo omeklatk er a rechad el mo oldurokl ra babier el mortir el eim (5) el taem. A lsekum e ng dikeang el mo oltirakl el onger ra census el ousbech ra dengua, online me a lechub e ng babier (form), e a chad el melai a census a mo oldingel er kau ra blim.

Ngarang a chad el melai a census?

A chad el melai a cesus me a lechub e ng “census enumerator” a chad el loureor ra Census Bureau el merael el mo oldingel (melengod a tuangel) ra blirir a rechad el dimlak el onger ra census ra uriul e ra lomeklatk er tir a census el eim (5) el taem el loldurokl a babier el mo er tir, el mo melai a nger a onger ra census.

Tia kid a mekerang a molangch er a chad el melai a census:

- Kot, e ke oker el lomes ra ID badge er tir. A rokui el chad el oreor ra census a olab a badge ra obis (official) ra chamt/kobelment el nga er ngii a ika kid er ngii:
 - A ng klir
 - Siasing er tir
 - A Department of Commerce Watermark
 - A taem el bo el merek a ID er tir (An expiration data)
- A chad el melai a census a mo olab a tet ra obis (offical) ra Census Bureau el nga er ngii a logo ra Census Bureau me a lechub eng olab a laptop/computer el mo meruul a ureor ra census (survey).
- A chad el melai a census a mo meskau a babier (letter) el mla ra obis Census Bureau (official letterhead) el ouchais el kmo ngarang me te oldingel er kau ra blim.
- A chad el melai a census a meruul a urerir er a delongelel a taem ra etiu el tutau el mo etiu el klebesei er a temel a beluam (9am and 9pm local time).
- Al soam el tanom, a chad el melai a census a sebechel meskau a klel ma/ma e lechub eng lambang ra dengua ra mereder er ngii el ngara [Census Bureau Regional Office](#).



A Regional Office a oungerachel er a rechad (field representatives) el oureor ra hang er kau.

- A lsekum e ng soam el dikau el dokurits e loker el kmo a chad el oldingel er kau a oureor ra Census Bureau, e ng sebechem el losisebii a klir ra website ra Census Bureau me a lechub e kou dengua el mo ra Regional Obis ra beluu (state) el om kiei er ngii.
- A chad el melai a census a kmal diak el loker er kau el mo tmuu ra chelsel a blim.

Ngarang el tekoi (nger) a loker er ngak a chad el melai a census?

- A chad el melai a census a DI oker er kau a mekesai ra 10 el nger el ngara chelsel a babier (form) ra census (ng kesengil a rekim ra 15 el sebechel onger ra nger).
- A chad el melai a census a **diak** el loker er kau a ikakid:
 - Lambang ra Social Security
 - Credit card, bank me a lechub eng bebil ra tekoi el kirel a ududem (financial information)
 - Udoud me a lechub e ng donation
 - PIN codes me a lechub e ng passwords

Ng mo oingerang a chad el melai a census a mo oldingel er a rechad (melengod a tuangel)?

A NRFU a mo omuchel ra belengel a Ongeim el buil ra 2020 el mo ra ullebengelel a Ongeuid el buil ra 2020. Ng mo omuchel ra 9th ra Ongeua el buil ra ikel basio el betok a rengalk ra daingak (college) el kiei ra off-campus.

Tiang mekerang a teletelel?

- A chad el melai a census a mo melengod ra tungelel a blim el mo oldingel er kau el melai a nger ra census.
- A lsekum e ng diak a chad el ngara blai, e te mecherei a “Notice of Visit” el postcard el nga er ngii a “online response code” el sebechem el ousbech er ngii el mo kutmeklii a census ra online me a lechub e ke ou dengua el kutmeklii a census er kau.
- A uriul er a tang el sandei, a lsekum ng dirkak monger, e te lmuut el mo oldingel er kau e lmuut el mecherei a tang ra postcard.
- A rechad el melai a census a melelem el mo oldingel me a lechub e te mo ou dengua e lekor er kau el mo muut ra elolem (6) team.
- A uriul ra ongedei (third try) el taem el tames el melai a nger ra census er kau, a rechad el melai a census a sebecherir el mo oker er a rechad el kmeed er kau el ungil a singio er tir (reliable “proxy”) el ua chad el kiei ra bitang ra blim, meredel ra blim el moleng er ngii (landlord), chad ra post obis (letter carrier), ma tara bebil.

Kilo dirk diak ngara ra blik se el be el oldingel a chad el melai a nger ra census?

A lsekum e ke dibus ra blim se el be el oldingel er kau a chad el melai a nger ra census, e te mecherei a postcard me a lechub eng “Notice of Visit”. Tiang el babier a mengedereder a kirem el kutmeklii ra census el ousbech ra online me a lechub eng dengua.

